



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-03-33229/21  
Sarajevo, 21.09.2021. godine

## SKUPŠTINA KANTONA SARAJEVO

### **PREDMET:** Odgovor na poslaničko pitanje zastupnice u Skupštini Kantona Sarajevo

Zastupnica u Skupštini Kantona Sarajevo Neira Dizdarević na nastavku 41. Radne sjednici Skupštine Kantona Sarajevo, održanoj dana 13.09.2021. godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje:

"Usljed formalnih grešaka u prijavama na javni poziv za dodjelu sredstava za ublažavanje posljedica pandemije, brojni privrednici nažalost nisu ispunili uslove poziva i ostali su uskraćeni za prijeko potrebnu pomoć. Molim za odgovor da li će biti raspisan novi javni poziv, kako bi imali priliku za prijave i eventualno dodjelu sredstava?"

Odgovor:

U Budžetu Kantona Sarajevo Ministarstva privrede ("Službene novine Kantona Sarajevo", broj 5/21) na poziciji: ekonomski kod: 614500 – IAP001-"Fond podrške privredi zbog posljedica izazvanih pandemijom koronavirusa" planirana su sredstva iznosu od 21.000.000,00 KM od kojih 7.500.000,00 KM budžetskih sredstava (izvor 10) i 13.500.000,00 KM transfera Federacije BiH iz paketa makro finansijske pomoći Evropske unije (izvor 50) koji do danas nije ostvaren. U međuvremenu Ministarstvo privrede ostvarilo je neplanirani transfer u iznosu od 551.745 KM od strane Institucija BiH namijenjenih za saniranje ekonomskih šteta uzrokovanih epidemijom COVID -19. Zbog neostvarivanja transfera Ministarstvo privrede je internom preraspodjelom obezbjedilo dodatnih 1.440.000 KM kako bi izvršilo isplatu subvencija po osnovu Javnog poziva za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine i Javnog poziva za finansiranje pripadajućih poreza i doprinosa na minimalnu neto plaću (u FBiH) za period trajanja zabrane obavljanja djelatnosti u mjesecu mart i aprilu 2021. godine u ukupnom iznosu od 9.481.257,64 KM.

Da bi Ministarstvo privrede moglo izvršiti procjenu stanja potreba privrednih subjekata sa područja Kantona Sarajevo i raspisati novi Javni poziv, neophodno je obezbjediti dodatna budžetska sredstva uvrštavanjem sredstava iz aranžmana s MMF-om u Budžet Kantona za 2021. godinu. S tim u vezi Vlada Kantona Sarajevo je na 39. sjednici održanoj 02.09.2021. godine donijela Zaključak u kojem se zadužuje Ministarstvo finansija da krene u izradu izmjena i dopuna Budžeta Kantona Sarajevo za 2021. godinu koje su u toku. Tek po usvajanju Izmjena i dopuna Budžeta Kantona Sarajeva za 2021. godinu od strane Skupštine Kantona



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Sarajevo, Ministarstvo privrede će moći dati informaciju o raspisivanju novog javnog poziva za dodjelu subvencija iz "Fonda podrške privredi zbog posljedica izazvanih pandemijom koronavirusa".

S poštovanjem,



Dostaviti:

1. Naslovu
2. Vlada Kantona Sarajevo
3. Evidencija
4. Arhiva



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

